

Termet e Referencës

Ekspert/e për përditësimin e Rregullores financiare dhe të prokurimit

HYRJE

HANDIKOS, “Shoqata e paraplegjikëve dhe paralizës së fëmijëve të Kosovës” është krijuar si reagim ndaj gjendjes së vështirë në të cilën gjenden personat me aftësi të kufizuara në Kosovë, e themeluar nga dhe për personat me aftësi të kufizuara, me aktivitete të pandërprera që nga viti 1983. Si organizatë përfaqëson, përkrahë dhe punon për dhe me personat me aftësi të kufizuara përmes avokimit dhe lobimit. Ofron shërbime të ndryshme përmes rrjetit të shtrirë në gjithë Kosovën dhe promovon barabarësinë, jetën e pavarur dhe me dinjitet për të gjithë personat me aftësi të kufizuara.

I. INFORMATA TË PËRGJITHSHME

HANDIKOS në partneritet me Save the Children në Kosovë është duke implementuar projektin “Handikos for Child Rights-H4CR”, i cili financohet nga Agjencia Suedeze për Bashkëpunim Ndërkombëtar dhe Zhvillim (SIDA). Përmes këtij projekti HANDIKOS synon ngritjen e kapaciteteve dhe fuqizimin e fëmijëve me Aftësi të Kufizuara.

II. OBJEKTIVA E DETYRËS

HANDIKOS është në kërkim të një eksperti/e për të përditësuar **Rregulloren financiare dhe të prokurimit**. Eksperti/ja do të jetë përgjegjës për kryerjen e një rishikimi gjithëpërfshirës të rregullores ekzistuese financiare dhe të prokurimit të organizatës, duke përfshirë identifikimin e çdo boshllëku ose mospërputhjeje me standardet aktuale si dhe zhvillimin tutje të rregullores.

III. KUALIFIKIMI

Kandidati duhet të posedoj këto aftësi dhe kompetenca:

- Diplomë/kualifikim në një nga fushat e mëposhtme: Financë, Kontabilitet, Administrim Biznesi, Ekonomi, Juridik (me fokus në rregulloret financiare ose ligjin e prokurimit), Administratë Publike (me fokus në menaxhimin financiar);
- Përvojë dhe njohuri të gjerë në fusha të ngjashme;
- Aftësi për të hartuar dokumente në një format të përshtatshëm për lexuesin, duke dëshmuar shkathhtësi të shkëlqyeshme analitike.

IV. DETYRAT DHE PËRGJEGJËSITË

- Një raport që detajon gjetjet e rishikimit, duke përfshirë çdo boshllëk ose mospërputhje të identifikuar me standardet aktuale dhe kërkesat rregullatore;
- Harton përditësime të rregullores financiare dhe të prokurimit të organizatës, të përafuara me praktikat më të mira dhe në përputhje me ligjet dhe rregulloret në fuqi;
- Hulumton praktikat më të mira në rregullimin financiar dhe vlerëson zbatueshmërinë e tyre për organizatën;
- Të prezantoj para stafit të HANDIKOS të gjitha të gjeturat rreth këtij angazhimi.

V. ANGAZHIMI I ESKPERTIT/ES

Eksperti/ja do të angazhohet me anë të një kontrate për shërbim me HANDIKOS.

Ai/ajo do të angazhohet për 6 ditë në periudhën kohore prej 3 javë dhe pritet të dorëzojë: Një dokument që mbulon përgjegjësitë e përmendura në seksionin "Detyrat dhe Përgjegjësitë".

Detyra	Kohëzgjatja
Angazhimi mbi Përditësimin e rregullores financiare dhe të prokurimit	5 ditë
Fasilitimi i takimit/ prezantimi i rregullores para stafit të HANDIKOS	1 ditë
Totali i ditëve	6 ditë

VI. KUSHTET E PAGESËS

Pagesa e ekspertit/es do të bëhet sipas ofertës përkatëse për kryerjen e shërbimeve, që do të lëshohet nga ai/ajo, pas finalizimit dhe aprovimit të dokumentit/raportit.

HANDIKOS do të realizoj pagesën në Euro, shuma bruto për ditët e punës (nga të cilat do të ndalet tatimi në fitim dhe kontributi pensional sipas ligjeve në fuqi në Kosovë).

HANDIKOS rezervon të drejtën e negociimit të propozimit financiar.

VII. PROCEDURA PËR APLIKIM

- Metodologji e punës për këtë angazhim ose shembuj të angazhimeve të mëparshme të natyrës së ngjashme;
- Curriculum Vitae (CV) (max.3 faqe);
- Propozimi financiar.

Aplikacionet duhet të dorëzohen në formë elektronike në e-mail adresën: handikos@handi-kos.org
cc: nora.simitciu@handi-kos.org

Ju lutem, shkruani në subjekt Aplikimi për: **Ekspert për përditësimin e Rregullores financiare dhe të prokurimit**

Afati i fundit për dorëzimin e aplikacionit është 25/08/2024, ora 17:00.

Vetëm kandidatët e suksesshëm do të kontaktohen!

Pas përzgjedhjes Eksperti/ja i/e përzgjedhur duhet të dërgojë:

- **Dokumentin/ Dëshminë që nuk është nën hetime.**

Poashtu, ai/ajo duhet të nënshkruajë edhe:

- **Rregulloren mbi Parandalimin e Shfrytëzimit dhe Abuzimit Seksual - PShAS**